

Na osnovu člana 66. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj 40/10), člana 5. stav (7) Odluke o osnivanju Zdravstvenog savjeta Grada Tuzle („Službeni glasnik Grada Tuzle, broj 4/23) i člana 2. Odluke o načinu provođenja javnog poziva za imenovanje 9 (devet) članova Zdravstvenog savjeta Grada Tuzle i kriterijumima za učešće i izbor kandidata na javnom pozivu (“Službeni glasnik Grada Tuzle”, broj 7/23 i 7/24), Služba za ekonomski razvoj, poduzetništvo i poljoprivredu, objavljuje

**JAVNI POZIV**  
**za imenovanje na 3 (tri) upražnjene pozicije članova Zdravstvenog savjeta Grada Tuzle**

**I**

Objavljuje se Javni poziv za imenovanje odnosno popunu 3 (tri) upražnjene pozicije članova Zdravstvenog savjeta Grada Tuzle (u daljem tekstu: Zdravstveni savjet).

**II**

(1) Članovi Zdravstvenog savjeta iz tačke I imenuju se iz slijedećih kategorija, organizacija, udruženja, ustanova i institucija:

- mladih (osobe do 30 godina starosti),
- penzionera i
- gradskih organa uprave Grada Tuzle.

(2) Članove Zdravstvenog savjeta imenuje Gradonačelnik Grada Tuzle.

Mandat novoizabranim članovima Zdravstvenog savjeta traje do isteka mandata prethodno izabranih 6 (šest) članova Zdravstvenog savjeta.

**III**

Zdravstveni savjet obavlja sljedeće poslove:

- predlaže i evaluiira sprovođenje zdravstvene zaštite na području grada Tuzle;
- daje mišljenje na planove i programe zdravstvene zaštite za područje grada Tuzle, te predlaže mjere za poboljšanje dostupnosti i kvaliteta zdravstvene zaštite na području grada Tuzle;
- prati primjenu propisa na području grada Tuzle, koji se odnose na zaštitu prava i interesa pacijenata;
- organizuje obrazovne kurseve za građanstvo iz poznavanja materije o pravima pacijenata i postojeće legislative;
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području grada Tuzle;
- predlaže preduzimanje mjera za zaštitu i unapređenje prava pacijenata na području grada Tuzle,
- bez odgađanja obavještava Zdravstveni savjet u Ministarstvu zdravstva Tuzlanskog kantona (u daljem tekstu: Kantonalnom ministarstvu) o slučajevima težih povreda prava pacijenata koje mogu ugroziti život ili zdravlje pacijenata;
- podnosi Gradskom vijeću Tuzla i Kantonalnom ministarstvu, godišnji izvještaj o svom radu;
- obavještava javnost o povredama prava pacijenata;
- obavlja druge poslove određene Zakonom o pravima, obavezama i odgovornostima pacijenata Federacije Bosne i Hercegovine, Zakona o zdravstvenoj zaštiti Federacije Bosne i Hercegovine i Poslovníkom o radu Zdravstvenog savjeta.

#### IV

(1) Kandidat za člana Zdravstvenog savjeta, koji učestvuje na Javnom pozivu mora ispunjavati sljedeće uslove:

1. da je punoljetan i državljanin Bosne i Hercegovine,
2. da ima prebivalište na području grada Tuzle,
3. da ima minimalno tri godine iskustva u udruženju, nevladinoj ili drugoj organizaciji, ustanovi ili instituciji navedenoj u tački II ovog Javnog poziva,
4. da uživa ugled i ima evidentne rezultate rada u oblasti u kojoj djeluje.

(2) Prilikom imenovanja članova Zdravstvenog savjeta, poštovat će se princip ravnopravne zastupljenosti oba spola.

#### V

Kandidati su dužni uz prijavu priložiti originalne dokumente ili ovjerene fotokopije dokumenata ne starije od šest mjeseci, kao dokaz o ispunjavanju uvjeta iz javnog poziva i to:

- a) biografiju sa osobnim podacima i pregledom toka obrazovanja i stručnog angažmana, podacima o uspjesima, nagradama, objavljenim radovima ili publikacijama, članstvu u stručnim i drugim udruženjima
- b) potvrdu izdatu od institucije, ustanove, udruženja, nevladine organizacije, kao dokaz da je kandidat angažiran u udruženju, nevladinoj ili drugoj organizaciji, ustanovi ili instituciji navedenoj u tački II ovog Javnog poziva,
- c) uvjerenje o državljanstvu, kao dokaz da je državljanin Bosne i Hercegovine,
- d) dokaz o iskustvu iz tačke IV, podtačka 3. ovog Javnog poziva,
- e) preporuka izdata od strane institucije, ustanove, udruženja, nevladine organizacije, kao dokaz da kandidat ispunjava uvjete iz tačke IV podtačka 4. ovog Javnog poziva.

#### VI

Provjeru prebivališta, kao dokaz da kandidat ispunjava uslov iz tačke IV podtačka 2. ovog Javnog poziva, izvršit će Komisija po službenoj dužnosti.

#### VII

- (1) Javni poziv će biti objavljen u dnevnim novinama "Večernji list BH" d.o.o. Mostar\_i na web stranici Grada Tuzle na adresi: [www.gradtuzla.ba](http://www.gradtuzla.ba).
- (2) Javni poziv ostaje otvoren 15 (petnaest) dana od dana posljednjeg objavljivanja.
- (3) Prijava na javni poziv predaje se na propisanom obrascu koji se može preuzeti u Centru za pružanje usluga građanima ili na web stranici Grada Tuzle na adresi: [www.gradtuzla.ba](http://www.gradtuzla.ba).
- (4) Prijavu na Javni poziv poslati na sljedeću adresu:

**GRAD TUZLA, Služba za ekonomski razvoj, poduzetništvo i poljoprivredu**  
**Ul.ZAVNOBIH-a 11, Tuzla**

**Sa naznakom:** Prijava za učešće na Javnom pozivu za imenovanje na 3 (tri) upražnjene pozicije člana Zdravstvenog savjeta Grada Tuzle

-NE OTVARATI-

(5) Detaljnije informacije mogu se dobiti putem telefona broj: 035 307 380 ili e-mail-om [jusufz@tuzla.ba](mailto:jusufz@tuzla.ba) ili [dijanad@tuzla.ba](mailto:dijanad@tuzla.ba).